

薦輕寒白酒連酷飲黃花帶露觀消沉浮世事何足重沈瀾

山橫暮靄中鳥逝孤煙外殘菊憂霜推幽蘭懼風敗患難人不喜富貴人所愛我心自不有愛憎豈能賣

水寒潭見心木落山露骨始信天無涯萬里不隔物脫衣掛扶桑引手探月窟不負仁義心區區五十一

草綠露霑衣草衰風切肌物情非作異人意強生疑岐動揚朱泣絲添墨子悲知之何太晚徒自淚淋漓

萬里晴天外一片霜上月長松挺青葱羣卉入消歇有齒日益衰有髮日益脫獲罪固已多此心難屑屑

草枯山川貧木落天地瘦土口風大行雲罅日微漏既往不復追未來尚可救餘事不忍言言之必成咎

飲酒不甚多數盃醺心顏未醺不可止既醺勸亦難誰云萬物廣豈出天地間誰云萬事廣豈出人情間

和陝今張師柔石柱村詩

君為陝縣今我實康公孫始祖有遺烈託君訪其存夫君有詩來題云石柱村石柱之始立於古無所根就勒分陝銘惟唐人之言既歷年所多首尾無完文難以從考正將焉求其源我思讀書寡知識無過人經書史傳外不能破羣昏從長卿公羊宜自陝而分從君陳畢命宜成周而云二者兼取之於義自或奪分政東西郊可以陝洛論此說如近之庶幾緩紛紜甘棠之蔽芾石柱之青新當時之盛事予不得而親二南之正化二公之清芬千載之美談予可得而聞棄經而任傳儒者固不遵作詩以明之馳此庸報君

放言

既得希夷樂自無寵辱驚泥空終是著齋物到頭爭忽忽閑拈筆時時自寫名誰能苦真性情外更生情

伊川擊壤集卷之三

伊川擊壤集卷之四

伊川郡 雍堯夫

天津新居成謝府尹王君貺高書嘉祐七年

嘉祐壬寅歲新果始傳功仍分道德里更近帝王宮樞仰端門峻軒迎兩觀雄窻虛響瀝瀾臺迴環伊嵩好景尤難得昌辰豈易逢無才濟天下有分樂年豐水竹腹心裏鶯花淵藪中老萊歡不已靜節與何窮嘯傲陪真侶經營賀府公丹誠徒自寫匪報是恩隆

新春吟

多病筋骸五十二新春猶得共銜盃踐形有說常希孟樂內無功可比回燕去燕來徒自苦花開花謝漫相催此心不為人休感二十年来已若灰

有客吟

伊嵩有客欲無言進退由來盡俟天好靜未能忘水石樂閑非為學神仙休嗟紫陌難為客且喜清風不用錢枉尺直尋何必較此心都大不求全

小園逢春

隨分亭欄亦弄妍不妨閑傍酒壚邊夜簷靜  
透花間月畫屏寒生竹外煙事到悟來全偶  
爾天教閑去豈徒然盡中日月長多少爛占  
風光十二年

暮春吟

春來小圃弄葦芳誰居貧居富貴鄉門外柳  
陰浮翠潤塔前花影溜紅光梁間新燕未調  
舌天末歸鴻已著行自問心源何所有答云  
疎懶味偏長

惜芳菲

細算人間千萬事皆輸花底共開顏芳菲大  
率一春內爛漫都無十日間亦恐憂愁為齟  
齬更防風雨作艱難莫教此後成遺恨把火  
罇前尚可攀

答人見寄

鬢毛不患漸成霜有託琴書于一雙既乏長  
才康成世無如高枕卧南窗明知筋力難為  
強猶說雲山未樹降多謝故人相愛甚微魚  
幸免因西江

弄筆

行年五十二老去復何憂事貴照至底話難  
言到頭上有明天子下有賢諸侯飽食高眠  
外自餘無所求

問人丐酒

百病筋骸一老身白頭今日愧因循雖無紫  
詔還朝速却有青山入夢頻風月滿天誰是  
主林泉適地豈無人市沽酒味難醇美長負  
襟懷一片春

答客

人間相識幾無數相識雖多未必知望我實  
多全為道知子淺處却因詩升沈休問百年  
事今古都歸一局棋乘馬須求似驥驥奈何  
驥未來時

悟人一言

百慮謀猶拙一言迷自開世間無大事天下  
有雄才唯恐人難得寧憂道未恢忘心都去  
盡何復病塵埃

謝人惠筆

愛重寄文房慙慙謝速將免毫剛且健筠管

直而長靜錄新詩素閑抄舊藥方自餘無所  
用足以養鋒鋷

書事吟

天地有常理日月無遁形飽食高眠外率是  
皆虛名雖乏伊吕才不失堯舜珉何須身作  
相然後為太平

雙頭蓮

漢室嬋娟雙姊妹天台嫖妙兩神仙當時盡  
有風流過請向人間作瑞蓮

答人書意

仲尼言正性子與言踐形二者能自得殆不  
為虛生所交若以道所感若以誠雖三軍在  
前而莫得之凌

答人書言

無位立事難逢時建功易求全自有毀譽大  
須略細去惡處傷恩存惡憂嘗最徒有仁者  
心殊無仁者意

答人書

卿相一歲俸寒儒一生費人爵固不同天爵  
何嘗匱不有霜與雪安知松與桂雖無官自

高豈無道自貴

與人話舊

耳目所聞見且言三十春纔更十次聞已換  
一番人北族綺紉故朱門車馬新從來皆偶  
爾何者謂功勳

閑吟

忽忽間拈筆時時樂性靈何嘗無對景未始  
便忘情句會飄然得詩因偶爾成天機難狀  
處一點自分明

閑坐吟

當年計過之今日事難隨天命不我祐雲山  
聊自怡無何緣淡薄遂得造希夷却欲嗤真  
宰勞勞應不知

天津闊步

天子舊神州葱葱氣象浮園林閑近水殿閣  
連橫秋浪雪暑猶在橋虹晴不收人間無事  
日此地好淹留

天津幽居

予家洛城裏況復在天津日近先知曉天低  
易得春時光優化國景物厚幽人自可辭軒

冕閣中老此身

天津水聲

浴水近吾廬濕漫到枕虛端驚九秋後波急  
五更初細為輕風背蒙因驟雨餘幽人有致  
樂何必待笙竿

不寢

閑坐更已深就寢夜尚永展轉不成寐却把  
前事省莫枕時昏昏擁衾還耿耿西窗明月  
中數葉芭蕉影

天宮小閣

夏日到天宮凭欄望莫窮古人用心遠天子  
建都雄樓觀深雲裏山川暮靄中行人漫來  
往此意有誰同

聽琴

琴宜入夜聽別起一般情纔覺哀猿絕運聞  
離鳳鳴青山無限好白髮不須驚會取坐忘  
意方知太古心

天津感事二十六首

雲輕日淡天津暮風急林疎洛水秋獨步獨  
吟人莫會時時鷗鷺下汀洲

寵辱事多今不見興亡時去止堪哀請觀今  
日長安道抵暮行人猶往來

鳳樓深處鏤雲煙一鏤雲煙又百年痛惜汾  
陰西祀後翠華辜負上陽天  
誰引長河貫洛城鑿與東去此為輕洪濤不

服天津東日夜奔騰作怒聲

陽鳥西去水東流今古推移幾度秋四面遠  
山長欲黛不知終日為誰愁  
忙忙負乘兩何殊往復由來出此途事似不  
才閑處坐平時雲水遠衣裾

人言垂釣辯得沉辯著浮沉用意深吾耻不

為知害性等閑輕動望魚心  
自古別都多隙地參天喬木亂昏鴉荒垣壞  
堵人耕處半是前朝卿相家

鳳凰樓觀冷橫秋橋下長波入海流千百年

來舊朝市幾番人向此經由  
輪蹄交錯未嘗停去若相追來若爭料得中  
心無別事苟非干利即干名

煙樹盡歸秋色裏人家常在水聲中數行旅  
鷹斜飛去一簇樓臺峭倚空

11009104410001

綠水悠悠際碧天平蕪更與遠山連白頭老  
叟心無事閑梳攔干看洛川  
去年橋上凭欄人今歲橋邊騎馬身橋上橋  
邊不知數於今但記十三春  
堤邊草色長芊芊陌上行人自往還綠水放  
淨不得淨春風未放柳條開  
水流任意境一作常靜花落雖頻意自閑不  
似世人忙裏老生平未始得開顏  
溪邊閑坐眼慵開波射長堤勢欲推多少水  
禽文彩好幾番飛去又飛來  
名利從來本任才行人不用苦相猜壺中日  
月長多少閑步天津看往來  
地勢東南一築傾水流何日得安平天津更  
在急流處無限高深併此聲  
三千里外名荒服一百年來號太平爭似洛  
川無事客何須列土始為榮  
遠堤楊柳輕風裏隔水樓臺細雨中酒放半  
醺重九後此時情味更無窮  
著身靜處觀人事放意閑中鍊物情去盡風  
波存止水世間何事不能平

隋唐而下貴公卿近世風波走利名借問天  
津橋下水當時滿激作何聲  
前朝無限貴公卿後世徒能記姓名唯此天  
津橋下水古今都作一般聲  
雲無一縷干明月橋有千尋卧綠波料得人  
間無此景中秋對月興如何  
郊郭城中同德友鳳凰樓下會中秋芳樽倒  
盡人歸去月色波光戰未休  
了生始可言常事知性方能議大猷只此長  
川無晝夜為誰驅逼向東流  
誠明吟  
孔子生知非假習孟軻先覺亦須脩誠明本  
屬吾家事自是今人好外求  
繩水吟  
有水善平難善直唯繩能直不能平如將繩  
水合為一世上何憂事不明  
辛酸吟  
辛酸既不為中味商徵如何是正音舉世未  
能分曲直使誰為主主心平  
言默吟

當默用言言是垢當言任默默為塵當言當  
默都無任塵垢何由得到身  
閑居述事  
一點天真都不耗千鍾人祿是難來太平自  
慶無他事有酒時時三五盃  
竹雨侵人氣自涼南窓睡起望瀟湘茅簷滴  
瀝無休歇却憶當初宿夜航  
初晴月向松間出威暑風從水面來已比他  
人多數倍況能時復舉蟬聲  
堂上慈親八十餘塔前兒女笑相呼旨甘取  
足隨豐儉此樂人間更有無  
清歡少有虛三日劇飲未嘗過五分相見心  
中無別事不評興廢只論文  
花木四時分景致經書千卷號生涯有人若  
問閑居處道德坊中第一家  
天宮小閣納涼  
小閣凭虛看洛城滿川雲物拱神京風從萬  
歲山頭至多少煙嵐併此清  
小閣於吾有大功清涼冠絕洛城中自慙虛  
薄誠多幸襟袖長涵萬里風

小閣清風豈易當一般情味若裁呈洛陽有  
客不知姓二十年來享此涼

天官幽居即事

人苦天津遠來須特待來關餘知道泰靜久  
覺神開悟易觀碁局談詩拾酒盃世情千萬  
狀都不與裝懷

遊龍門

江天無少異幽鳥下晴沙路去山形斷川迴  
渡口斜龕巖千萬空店舍兩三家清景四時  
好都城況不賒

重遊洛川

買石尚饒雲買山當從水雲可致無心水能  
為鑑止性以無心明情由鑑止已二者不可  
失出彼而入此魚

川上觀

天氣吟函秋川長魚正遊雖知能避網猶恐  
悞吞鈎已絕登門望曾無點額憂因思濠上  
樂曠遠是莊周

伊川擊壤集卷之四

伊川擊壤集卷之五

後園即事三首嘉祐八年 雍光夫

太平身老復何憂景愛家園自在遊幾樹綠  
楊陰乍合數聲幽鳥語方休竹侵舊徑高低  
逆水滿春渠左右流借問主人何似樂谷云

殊不異封侯

天養疎慵自有方洛城分得水雲鄉不聞世  
上風波險但見堂中日月長一局閑碁留野  
客數盃醇酒面脩篁物情悟了都無事未覺  
顏淵已坐忘

年來得疾號詩狂每度詩狂必命觴樂道襟  
懷忘檢束任真言語省思量賓朋欵密過從  
久雲水優閑興味長始信淵明深意在此窓  
當日比羲皇

觀碁長吟

院靜春深晝掩扉竹間闌看客爭碁披羅神  
鬼聚宵臆措置山河入範圍局合龍蛇成陣  
闌劫殘鴻鴈破行飛殺多項羽坑秦卒敗劇  
符堅畏晉師座上戈鋌嘗擊擘面前冰炭旋

更移死生共抵兩家事勝負都由一著時當  
路斷無相假借對人須且強推辭腹心受害  
誠堪懼脅齒生憂尚可醫善用中傷為得策  
陰行狡獪謂知機請觀今日長安道易地何  
嘗不有之

秋日登崇德閣二首

無限英賢押壯圖登臨不用起長吁山川千  
古戰爭後冠劔百年零落餘浪把功名為已  
任那知富貴豈人謀丹青曲盡世間妙寓得  
凭欄意思無

一百年來號太平當初仍患不丁寧京都尚  
有漢唐氣官闕猶虛霸王形煙外亂峯繞隱  
約霜餘紅樹半凋零罇中有酒難成醉旋被  
西風吹又醒

秋日飲後晚歸

水竹園林秋更好忍把芳罇容易倒重陽已  
過菊方開情多不學年充老陰雲不動楊柳  
低風流輕寒生暮早無灘逸興不可收馬蹄  
慢踏天街草

寄陝守祖擇之舍人